

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-11-1530/25-4

Datum: 02.06.2025. godine

Na osnovu člana 64. stav 1. tačka b, članom 70. stavovi 1, 3. i 6. Zakona o javnim nabavkama (Službeni glasnik BiH broj 39/14, 59/22 i 50/24), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-11-1530/25-3 od 29.05.2025. godine u postupku javne nabavke radova „Izvođenje radova na ograđivanju poligona u MZ Banovići Selo“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj: 01-11-1530/25-3 od 29.05.2025. godine i ugovor za javnu nabavku radova „Izvođenje radova na ograđivanju poligona u MZ Banovići Selo“, dodijeli ponuđaču „Tanović“ d.o.o. za građevinarstvo, trgovinu i usluge, sa sjedištem u ulici Božićka Banovića br.8, 75290 Banovići, prema Ponudi broj: 11-2025-I od 28.05.2025. godine za ukupnu ponuđenu cijenu od 12.976,14 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci usluga dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

U slučaju nedostavljanja dokumenata i izjavljivanja žalbe na Odluku o izboru postupa se prema pozitivnim propisima.

Član 3.

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14; 59/22 i 50/24).

Obrazloženje

Odlukom o pokretanju postupka javne nabavke radova broj:01-11-1530/25 od 06.05.2025.godine donesenoj od strane ovog organa pokrenut je postupak javne nabavke radova „Izvođenje radova na ograđivanju poligona u MZ Banovići Selo“.

Predmetna javna nabavka predviđena je u Planu javnih nabavki Općine Banovići za 2025. godinu, evidencijski broj 7 - Radovi.

Javna nabavka usluge sprovedena je putem otvorenog postupka javne nabavke.

Procijenjena vrijednost javne nabavke bez PDV-a je 13.000,00 KM.

Podaci o e-aukciji: U postupku je predviđeno provođenje e-aukcije

Podaci o okvirnom sporazumu: Nije predviđeno zaključivanje okvirnog sporazuma.

Broj Obavještenja o nabavci sa Portala javnih nabavki: 1220-1-3-24-3-31/25 od 07.05.2025. godine.

Tenderska dokumentacija objavljena je na portalu javnih nabavki <https://www.ejn.gov.ba> dana 07.05.2025. godine.

JRJN oznaka i naziv predmeta javne nabavke:

45342000-6 (Postavljanje ograde).

Komisija za javne nabavke imenovana rješenjem broj: 01-04-2412/24 od 30.12.2024. i Rješenjem o izmjeni rješenja broj: 01-04-286/25 od 04.02.2025 godine, ovom organu dostavila je dana 02.06.2025. godine Zapisnik o pregledu i ocjeni ponuda broj: 01-11-1530/25-2 od 29.05.2025. godine i Preporuku o izboru najpovoljnijeg ponuđača broj: 01-11-1530/25-3 od 29.05.2025. godine u postupku javne nabavke radova „Izvođenje radova na ograđivanju poligona u MZ Banovići Selo.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda za navedenu nabavku dvije (2) ponude sljedećih ponuđača:
 1. „Tanović“ d.o.o. za građevinarstvo, trgovinu i usluge, sa sjedištem u ulici Božićka Banovića br.8, 75290 Banovići, (datum predaje ponude 28.05.2025. godine; vrijeme predaje ponude 08:29 h)
 2. „OKI metal“, sa sjedištem u ulici Škahovica – Okići , 75320 Gračanica, (datum predaje ponude 28.05.2025. godine; vrijeme predaje ponude 08:33 h).
- da su sve pristigle ponude blagovremene,
- da je ponuda „Tanović“ d.o.o. za građevinarstvo, trgovinu i usluge **ocijenjena prihvatljivom**
- da je ponuda „OKI metal“ odbačena kao **kao nepotpuna i time neprihvatljiva**, jer ne ispunjava zahtjeve iz Tenderske dokumentacije, iz razloga što ista nije pripljemljena kako je propisano tačkom 4.1. tenderske dokumentacije odnosno ista nije uvezana na način da se onemogućí naknadno vađenje ili umetanje listova, odnosno što je ponuda dostavljena a da pri tome uopšte nije uvezana ni na koji način, pa je na osnovu člana 58. stav (2), te člana 68. stav (4) tačka i), Zakona o javnim nabavkama BiH, ponuda ponuđača „OKI metal“, sa sjedištem u ulici Škahovica – Okići , 75320 Gračanica **odbačena kao nepotpuna i time neprihvatljiva**, jer ne ispunjava zahtjeve iz Tenderske dokumentacije

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javnu nabavku.

Uvidom u priloženu dokumentaciju, nesporno je da je izabrani ponuđač „Tanović“ d.o.o. za građevinarstvo, trgovinu i usluge, najbolje ocijenjen primjenjujući kriterijum najniže cijene, koja je ponuđena prema jediničnim cijenama iskazanim prema broj: 11-2025-I od 28.05.2025. godine za ukupnu ponuđenu cijenu od 12.976,14 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima
koji su učestvovali u postupku JN
1x U spis
1x a/a



OPĆINSKI NAČELNIK

dr. sc. Mehmed Hasanović, dipl. ing. maš.